



ԻՆՉՊԻՍԻ ՍԵՐՍ ՑԱՆԵՍ, ԱՅՆ ԷԼ ԿՍՏԱՆԱՍ



Կայք էջ՝ 1u1.am



ԳԵՂԱՐՔՈՒՆԻՔ ԳՅՈՒՂԻ ՄԻՋՆԱԿԱՐԳ ԴՊՐՈՅԻ ՄԱՐԶԱՅԻՆ ԹԵՐԹ 27 ՓԵՏՐՎԱՐԻ 2021թ. թիվ 2 (23)

ՈՒՋՈՒՄ ԵՍ ԽՂՂՎԱԳՈՒՅՈՒՆ, ԹՎՏՐՎԱՏՎԻՐ ԹՎՏԵՐՎԱՒ

ԳՎՎԱՌԻ ՀԵՐՈՍՆԵՐԸ



Իզուր չեն ասել՝ հերոսներ չեն դառնում, հերոսներ ծնվում են: Իրոք, ի ծնե հերոսներ էին Գավառի Արծվաբար թաղամասի արծիվները, հերոս ծնված և հերոսացած մեկ այլ բաջի Գեորգի Մ Մ ա գ ա կ ա Մ յ ա Մ ի անունը կրող դպրոցի սաները Անդրանիկը, Արմենը, Արամը:

Ասում են նաև, որ ոչինչ պատահական, իենց այնպես չի լինում: Ուշադրություն

դարձրի՞ք նրանց անուններին և անվան սկզբնատառերին: Երեքն էլ Ա, Արմեն հայ, Արամ հայկի որդի, Անդրանիկ հայոց փառապան զորավար:

Գուցե հենց այնպես չէին անվանակոչել նրանց ծնողները, այլ կանխագգալով, որ նրանք էլ փառքի դասին ճակատին անմահանալու են և ևս մեկ անգամ աշխարհին ապացուցելու, որ մենք հայկի սերունդներն ենք:

Նրանցից ամեն մեկը մի անհատականություն է, հային բնորոշ յուրահատուկ գծերի մարմնացում, գուցե պատահական չէր նաև այն, որ հենց Անդրանիկը դարձավ անդրանիկ նահատակ՝ բացելով մյուսների առջև անմահության ճանապարհը:

Պարտաճանաչ էր, հարգալից և ուշադիր: Ոչինչ աչքից չէր վրիպում, կարողանում էր արագ կողմնորոշվել և վճռական որոշումներ կայացնել: Ընկերասեր էր, բոլորին օգնելու պատրաստակամ: Նույն վճռականությամբ էլ դպրոցն ավարտելուց հետո ծառայեց Հայոց բանակում և որոշում կայացրեց դառնալ զինվորական, ծառայել հայրենիքին:

Երկու տարի առաջ էր: Հանդիպեցինք կանգառում: Կանգնեցրեց ավտոմեքենան, հարգանքով բաց արեց դուռը և հրավիրեց նստել: Զրուցեցինք մինչև տուն հասնելը:

-Ինպե՞ս է, որ ծննդավայրում ես, հարցրի:

-Արծակուրդում եմ,- պատասխանեց:

-Ուզում եմ ամուսնանալ, ընտանիք կազմել:

Ապա իմ հետաքրքրասեր հայացքին ի պատասխան տվեց աղջկա անունը, որի հետ պատրաստվում էր ամուսնանալ:

Լսելով իմ հավանությունը և գովեստի խոսքերը աղջկա մասին ասաց.

-Շատ շնորհակալ եմ. Ինձ համար անչափ կարևոր էր ձեր կարծիքը: Շնորհակալ եմ նաև Ձեզ և մեր բոլոր ուսուցիչներին՝ ձեր տված գիտելիքների համար, որոնք մեզ այսօր այնքան անհրաժեշտ են: Միայն զղջում եմ, որ ձեր պահանջները լիովին չենք կատարել:

Ի՞նչը կարող էր փոխարինել աշակերտի կողմից ասված այս անկեղծ շնորհակալանքի խոսքերին:

Այնքան անկեղծ էին բառերը, այնքան կենսուրախ էր ծայրը, հայացքը նպատակներով լեցուն:

Իսկ Արմենը...

Մանկուց զրկվելով հորից, ապրելով աշխատասեր մոր և քույրերի հոգատարության ներքո՝ ժամանակից շուտ հասունացել էր, դարձել տղամարդ-երեխա, ընտանիքի միակ տղամարդը:

Լուրջ էր չափից շատ, խոհուն, մանրանկատ հայացքով, բայց միշտ ժպտացող աչքերով:

Նրբանկատ էր, ամաչկոտ: Կարծրում էր անգամ ընկերներին ասված դիտողությունից, խնամարհում էր ժպտուն

աչքերը, լրջանում ավելի և կարծես դրանով ուզում էր քավել մեղավորի մեղքերը:

Միաժամանակ, անհրաժեշտության դեպքում, կարող էր բոլորի մեղքերն իր վրա վերցնել, բոլորի փոխարեն խոստումներ տալ և բոլորից առաջ ստանձնել հանձնարարությունների կատարումը:

Լավ էր սովորում: Ընդունվեց համալսարան: Ուզում էր հաշվապահ դառնալ, նեցուկ լինել մորը, սակայն...

Արամը մեկն էր այն քիչ թվով տղա աշակերտներից, որոնց համար դպրոցն ու ուսուցիչը վեր են ամեն ինչից: Նրա համար չկար անկարելի, բարդ ու դժվարը: Հասկանում էր կես խոսքից, կատարում բոլոր հանձնարարությունները, պրպտում էր, որոնում, գտնում հուզող հարցերի պատասխանը, չինացածի մասին հարցնում համարձակ, անկաշկանդ բանավիճում, ապացուցում իր կարծիքն ու տեսակետը: Այս ամենով հանդերձ՝ անչափ կատակասեր էր: Հաճախ չէր տարբերում խոսքի լուրջն ու կատակը: Կատակով հարցնում էր, կատակով հասկացնում, կատակով նեղանում:

Գուցե այդ էր պատճառը, որ չէինք հավատում, որ էլ չկա: Սպասում էինք, հավատում, որ էլի կատակում է, որ մի օր գալու է ողջ ու առողջ: Չէ՞ որ այնքան երագանքներ ուներ, նպատակներ, որոնց իրականացման էին սպասում նաև ծնողներն ու հարազատները:

Արա՛մ, տղա՛ս, մեռավ, մեր հույսը, բայց ո՛չ դու, ո՛չ Արմենը և ո՛չ Անդրանիկը:

Վաչիկ Անդրանիկի Դարիբայան՝

Մեր հերոս դասընկերը:

Միշտ ժպտերես, միշտ բարի ու լավատես: Վաչիկը մեր ուրախ հիշողությունն է դպրոցական տարիներից: Եթե լինում էին տխուր պահեր, նա փորձում էր անել ամեն ինչ, որ բոլորս ժպտանք, ու միշտ հաջողվում էր:

Դասերի ժամին նրա կատակները ծիծաղեցնում էին նաև մեր ուսուցիչներին, նույնիսկ այն ժամանակ, երբ նրանք բարկացած էին:

Բազմաթիվ ուրախ ու հետաքրքիր պատմություններ կան, բայց միաժամանակ չենք կարող չնշել, որ ամեն օր հիշում ենք նաև նրա լուրջ ու մեծակալ խորհուրդները, ասում էր. «Լավ սովորեք, հաստատ պետք կգա», «կյանքում ամենակարևորը մեր ծնողներն են, միշտ պետք է հարգենք մեր ծնողներին, որ մեր երեխաները մեզ հարգեն»... Վաչիկը մեր դպրոցում սովորել է մինչև 9-րդ դասարան, դրանից հետո ուսուցիչները չէին օր չի դադարել մեր ընկեր լինել: Երբ մենք ավարտական դասարանում էինք սովորում, Վաչիկը հայաստանում չէր, բայց նույնիսկ երկրից դուրս նա միշտ մեզ հետ էր: Ամեն անգամ հիշեցնում էր, որ ինքը հաստատ մեզ է միանալու այդ կարևոր օրը:

Ու այդպես էլ եղավ, մեր ավարտական երեկոյից մի քանի օր առաջ Վաչիկը եկավ հայաստան: Բոլորիս համար այդ հավաքույթի օրը անմոռանալի էր: Մեծ սիրով ու կարոտով էինք դիտում տեսարանությունները, բայց վերջին ամիսներին առանց արցունքների չենք դիտել:

Այդ օրը իր խոսքում Վաչիկն ասաց.

«Ցանկանում եմ բոլորին բարի երթ, ուսման մեջ հաջողություն, ով գնում է բանակ, բարի ծառայություն: Բոլորին շատ-շատ կկարոտեմ»:

Ուրախ ու կյանքով լի մարդ էր՝ յուրօրինակ հումորի զգացումով, հետաքրքիր բնավորությամբ ու անսահման

բարությանը: Երբեք չի եղել այնպիսի դեպք, երբ Վաչիկը նեղացնի ինչ-որ մեկին, նա գիտեր ուրախանալ բոլորի համար, անհանգստանալ բոլորի խնդիրներով, դժվար պահերին օգնել բոլորին, գիտեր, որ Աստված իր կողքին է, երբեք չի կասկածել, որ ամեն ինչ հաստատ լավ կլինի, նրա լավատեսությունը օրինակ էր բոլորիս համար, նույնիսկ պատերազմի ամենավատ պահին ասել էր, որ լավ է լինելու, ու ինքը անկասկած վերադառնալու է...

Անցել են ամիսներ, բայց նույնիսկ հիմա մեզ համար անհավատալի է այն, ինչ եղավ: Ամեն բացվող օրվա հետ մենք բոլորս հիշում ենք մեր հերոսին, հիշում ենք ցավով, բայց միաժամանակ անասելի հպարտությամբ, հիշում ենք նրա բարի ու ներող ժպտը, հիշում ենք՝ երկինք նայելով ու հիշելու ենք միշտ՝ մինչև մեր կյանքի վերջին օրը, և ամեն անգամ հիշելիս նա հաստատ ժպտում է մեզ վերևից...

Դուք և Ձեզ նման նահատակված հազարավոր արծիվներ կաք, դուք ապրում եք մեր կողքին և մեր սրտերում:

1. Պողոսյան Արամ Խաժակի
2. Աղեկյան Արմեն Գեղարյի
3. Գրիգորյան Անդրանիկ Կարենի
4. Հարությունյան Հակոբ Արայիկի
5. Երիզարյան Վիզեն Արսենի
6. Խեթոյան Ռաֆիկ Ջալիկի
7. Սահակյան Աղասի Տիգրանի
8. Սահակյան Մերուժան /Գևորգ/ Ռուբենի
9. Հակոբյան Միշա Արծուրի
10. Սարգսյան Տարոն Ահարոնի
11. Սարգսյան Նարեկ Վաղարշակի
12. Խաչատրյան Սամվել Սեյրանի
13. Գափոյան Գարիկ Ռուբիկի
14. Նաջարյան Արամ Արմենի /անհայտ կորած/
15. Ղուշյան Նարեկ Հովիկի
16. Սկրտչյան Արտյոմ Հակոբի
17. Հակոբյան Ռաֆիկ Արծուրի
18. Չատիկյան Քերոբ Անդրանիկի
19. Սալամյան Բագրատ Ռուբենի
20. Դավթյան Մարատ Չոհրակի
21. Խունյան Աղասի Արամայիսի
22. Աֆրիկյան Վանիկ Վահագնի
23. Գալոյան Գևորգ Մարգարեթի
24. Դարիբայան Շահեն Աշոտիկի
25. Ավանեսյան Երիկ Գարիկի
26. Դարիբայան Վաչիկ Անդրանիկի
27. Խուզոյան Արշալույս Սարգսի
28. Գալստյան Իշխան Ռուստամի
29. Ավետիսյան Խաչիկ Գնելի
30. Ասատրյան Մարտել Խաչիկի
31. Խաչատրյան Արտյոմ Վիգենի
32. Բադոյան Կարեն Սասունի
33. Ներսիսյան Գոռ Մելիկի /անհայտ կորած/
34. Գասպարյան Վասակ Ատոմի/ անհայտ կորած/

Դուք և Ձեզ նման նահատակված հազարավոր արծիվներ կաք, դուք ապրում եք մեր կողքին և մեր սրտերում:

- 1. Պողոսյան Արամ Խաժակի
2. Աղեկյան Արմեն Գեղարյի
3. Գրիգորյան Անդրանիկ Կարենի
4. Հարությունյան Հակոբ Արայիկի
5. Երիզարյան Վիզեն Արսենի
6. Խեթոյան Ռաֆիկ Ջալիկի
7. Սահակյան Աղասի Տիգրանի
8. Սահակյան Մերուժան /Գևորգ/ Ռուբենի
9. Հակոբյան Միշա Արծուրի
10. Սարգսյան Տարոն Ահարոնի
11. Սարգսյան Նարեկ Վաղարշակի
12. Խաչատրյան Սամվել Սեյրանի
13. Գափոյան Գարիկ Ռուբիկի
14. Նաջարյան Արամ Արմենի /անհայտ կորած/
15. Ղուշյան Նարեկ Հովիկի
16. Սկրտչյան Արտյոմ Հակոբի
17. Հակոբյան Ռաֆիկ Արծուրի
18. Չատիկյան Քերոբ Անդրանիկի
19. Սալամյան Բագրատ Ռուբենի
20. Դավթյան Մարատ Չոհրակի
21. Խունյան Աղասի Արամայիսի
22. Աֆրիկյան Վանիկ Վահագնի
23. Գալոյան Գևորգ Մարգարեթի
24. Դարիբայան Շահեն Աշոտիկի
25. Ավանեսյան Երիկ Գարիկի
26. Դարիբայան Վաչիկ Անդրանիկի
27. Խուզոյան Արշալույս Սարգսի
28. Գալստյան Իշխան Ռուստամի
29. Ավետիսյան Խաչիկ Գնելի
30. Ասատրյան Մարտել Խաչիկի
31. Խաչատրյան Արտյոմ Վիգենի
32. Բադոյան Կարեն Սասունի
33. Ներսիսյան Գոռ Մելիկի /անհայտ կորած/
34. Գասպարյան Վասակ Ատոմի/ անհայտ կորած/

Գավառի Գ. Մնացականյանի անվան թիվ 8 միջնակարգ դպրոց Լանջարայրուրի Վ. Արամյանի անվան միջնակարգ դպրոց



ԿՐԹՈՒԹՅՈՒՆ ԸՅՆ ԳՈՐԾԻՔՆ Է, ՈՐԸ ԴԻՄԱԿԱՅՈՒՄ Է ԿՅԱՆՔԻ ԲՈԼՈՐ ՄԱՐՏԱՀՐԱՎԵՐՆԵՐԻՆ

Մեր հեթեթական հարցազրույցը Կրթական տեխնոլոգիաների ազգային կենտրոնի տնօրեն Արտակ Պողոսյանի հետ էր:

Կրթական տեխնոլոգիաների ազգային կենտրոնը ստեղծվել 2004 թվականին:

Մեր հարցումները կապված էին նաև այն հարցերով, որոնք վերաբերում էին կրթության արդյունավետության բարձրացմանը, ինչպես նաև կրթության մասին հասարակությանը տեսլականների մշակմանը, որոնք կհանգեցնեն կրթության արդյունավետության բարձրացմանը:

Վարչական հարցերը կազմելիս ի՞նչ չափորոշիչներ և ստանդարտներ եք հաշվի առնում, և ո՞ր կառույցներն են զբաղվում այս գործառնությով:

Պատասխան-Վասազրեթի կազմման գործում մենք շատ քիչ մասնակցություն ունենք, հիմնականում այդ գործառնությունը իրականացնում է դասագրքերի շրջանառու հիմնարկը, իսկ ժամանակին կրթության ազգային ինստիտուտը, որը հիմա փոխվել է Կրթության զարգացման և նորարարությունների ազգային կենտրոնին, հեղինակային խմբեր, որտեղ ընդգրկված են ուսուցիչներ և դասախոսներ:

Հ- Ինչպե՞ս և ի՞նչ չափանիշներով է վերահսկվում ուսուցչի ուսումնական գործընթացը:

Պ- Մենք վերահսկողական ֆունկցիա չունենք, մենք ստեղծում ենք գործիքներ, որոնց միջոցով վերահսկողություն ենք իրականացնում այն կազմակերպությունների մարմիններին, ովքեր վերահսկողական ֆունկցիա ունեն, օրինակ մարզպետարանները, լիազոր մարմինները, պետական կրթական տեսչական մարմինները:

Այդ գործիքները մենք ստեղծել ենք էլեկտրոնային մատյան կամ կրթության կառավարման տեղեկատու համակարգ, որը կրթության կազմակերպման գործընթացը դարձնում է ավտոմատացված և էլեկտրոնային: Այս պահին դպրոցներում ավտոմատացված է էլեկտրոնացված են 14 փաստաթղթերից 7-ը, իսկ հետագայում նպատակ ունենք թվայնացնել ամբողջ գործընթացը, ինչը հնարավորություն է տալիս աշխատողին, ուսուցչին քիչ ժամանակ ծախսել գրագրությունների և թղթարարությունների վրա, այլ ավելի շատ ժամանակ տրամադրելու ուսումնական պրոցեսը զարգացնելու և գործընթացը ավելի թափանցիկ դարձնելու:

Հ- Ձեր կարծիքով ինչպե՞ս պետք է խրախուսել լավագույն ուսուցչին, և ի՞նչ աշխատանք տանել սկսնակ կամ թերազոտ ուսուցիչների հետ:

Պ- Կարևորագույն խնդիր է: Ուսուցիչների գործունեության մասին ղեկավար է կարճ պատասխան տալ: Դա գալիս է ուսուցչի մոտիվացիայից, երկրում կան որոշակի խրախուսական մոտիվացիոն ծրագրեր, օրինակ լավագույն ուսուցչի մրցույթը, անվանական կարգերով որակավորման խրախուսումները, որակավորման տարակարգերը, որտեղ ուսուցիչները կատարում են որոշակի աշխատանքներ, և ամենազիջված մոտիվացիայով պետք է զբաղվի դպրոցի տնօրենը: Հասցանք օրենսդրորեն իրավական ակտերով մեխանիզմները մշակված են, բայց այդ մեխանիզմները պետք է կյանքի կոչել այնպես, որ ճիշտ կիրառվեն: Կան դպրոցներ, որտեղ տնօրենները ունեն այն գիտակցությունը, որ մոտիվացված ուսուցիչը ավելի արդյունավետ է որակյալ է աշխատում, որով և փորձում է խրախուսել նրան: Մենք ունենք որոշակի պատրանք, որ սկսնակ ուսուցիչը ավելի վատ է աշխատում, քան փորձառու ուսուցիչը: Ես կարող եմ ասել, որ դա իրականում մեզ մոտ դարձել է սովորաբային, որ ուսուցիչը պետք է երկար տարիների աշխատանքային փորձ ունենա, որ համարվի լավը, սակայն մենք ունենք սկսնակ ուսուցիչներ, ովքեր ավելի որակյալ են աշխատում և ավելի լավ վերաբերմունքի են արժանի: Նույն պաշտոնին քսան տարի աշխատողն է լավ աշխատում, թե մեր եկած մարդը. ես գնահատելիս չեմ գնահատում աշխատանքային ստաժը, այլ գնահատում եմ արդյունավետ ցուցանիշները: Ուսուցիչների գնահատման համակարգը ոչ թե պետք է գնահատել մեկ կոմպոնենտով, թե քանի տարի է աշխատել, այլ հաշվի առնել արդյունքը և այդ ցուցանիշներով էլ գնահատել:

Հ- Ո՞րն դպրոցն էք համարում իդեալական:

Պ- Իդեալականը մոդել է, որին պետք է ձգտել հասնելու: Իմ պատկերացմամբ այսօր մեր հանրապետությունում իդեալական դպրոց չկա, կան իդեալական մոտ դպրոցներ, կամ ոչ մտ դպրոցներ: Միզուցել իմ պատկերացումը կամ իմ պահանջը դպրոցի վերաբերյալ որպես լավագույն դպրոցի հետևյալն է. երբ կա առողջ աշխատանքային մթնոլորտ, կա տնօրեն, ով գիտակցում է իր առաքելությունը և սահմանել է իր դպրոցի առաքելությունը, ինչ նպատակով է դպրոցում, ինչ նպատակով է մարդ պատրաստում, կա այդ նպատակի համար ձևավորված կոլեկտիվ, կան ուսուցիչներ, ովքեր վերապատրաստվում են և ցանկություն ունեն աշխատելու իրենց կարողությունների և ունակությունների գարգացման վրա, և կան աշակերտներ, ովքեր հաճույքով են գնում դպրոց: Սա է իմ պատկերացումով իդեալական դպրոցը, երբ երեխայի առաջին դասարան մուտք գործելիս արդեն դրված կա հստակ նպատակ, թե երեխաներին 9-ը



կամ 12-րդ դասարանը ավարտեցնելիս տնօրենը կկարողանա գնահատել այն նպատակը, որը դրել էր: Տնօրենը կարողացավ իրականացնել իր առաքելությունը, և արդյոք այդ շրջանավարտը դպրոցից դուրս եկավ այնպիսի մարդ, ով ունի պատասխանատվության գագսում պետության և շրջապատի նկատմամբ, ունի ազգային արժեքների և այլ ազգերի արժեքների նկատմամբ գնահատում, արժևորում է ավանդույթները չճաղելով մնացածին, հոգ է տանում շրջակա միջավայրի մասին և գիտի իր պատասխանատվության շրջանակը, ունի հմտություններ իր կրթությունը շարունակելու կամ աշխատանքական մտնելու պատասխանատվությունը վերցնելու:

Հ- Այսօր դպրոցն ավարտած քաղաքացին ճանաչում է իր ինքնությունը՝ ուսումնասիրելով հայոց պատմությունը դասերը:

Պ- Այստեղ խնդիր այլ է, երբ 21-րդ դարում տեղեկատվությունը բազմաշերտ է, ուսուցմանը պրոցեսը պետք է տարբեր լինի նախորդ դարերի պրոցեսից, ուսուցիչը չպետք է լինի գուտ տեղեկատվություն փոխանցող, ուսուցիչը կամ դասավանդողը պետք է հասկանա, որ չպետք է սահմանափակվի դասագրքով, ինչը մեզ մոտ ձևավորված մշակույթ է: Դրանից է գալիս այն արտահայտությունը, թե այս դասագիրքը լավն է կամ վատը: Դասագիրքը ուսուցչի գործիքներից մեկը պետք է լինի, նա պետք է կարողանա աշակերտին սովորեցնել չհստակ տեղեկատվության հորձանուտում, կարողանա գնահատել տեղեկատվության իսկությունը, կարողանա գտնել տեղեկատվության ճշգրիտ աղբյուրը, հասկանա աղբյուրի վստահելի լինելու փաստարկը՝ ով է գրել և այլն: Այս ամենը գալիս է մեղի-հարազատության պակասից, որը ակնհայտ է մեր հասարակության մեջ: Շատ հաճախ կայքերում տեղադրված նյութերը կամ պատմությունները, մուլտիմեդիա հայտնիների գրած աֆորիզմները պատճենում են և տարածում չճշտելով դրանց իսկությունը: Շատ կարևոր է աշակերտներին սովորեցնել տեղեկության հետ ճիշտ աշխատել, այսինքն երբ կարդում են ինչ-որ նյութ և փորձում են հասկանալ, թե որտեղից է այդ տեղեկատվությունը, պետք է փորձել ճշտել ով է գրել, արդյոք վստահելի է, մեկ այլ աղբյուրից ճշտել, համադրել և վերլուծել քո պրիզմայով և հետո վստահորեն հավատալ կամ չհավատալ:

Հ- Առարկայական խմբակների աշխատանքները վարելիս ուսուցիչը ինքը պետք է կազմի ծրագիր, թե օգտվի պետության կողմից տրված ուսումնական, մեթոդական ձեռնարկներից:

Պ- Առարկայական խմբակը ենթադրում է հավելյալ արտաուսումնական աշխատանք, դա ուսուցչի պատասխանատվությունն է, բայց պետությունը պետք է աջակցի դպրոցին և արտաուսումնական պրոցեսին: Սակայն ուսուցիչը ինքը պետք է պրպտի և աշակերտներին սովորեցնի արպատել, գտնել հավելյալ նյութեր և հավելյալ տեղեկատվություն, հավելյալ ձեռնարկներ: Խմբակի ամբողջ էությունը այն է, որ ոչ թե պետք է կրկնի դպրոցական ծրագիրը, որը ուսումնասիրում է դպրոցում, այլ ավելի խորը և լրացուցիչ գիտելիքներ և տեղեկություններ փոխանցի աշակերտներին: Խմբակավարը պետք է հասկանա, թե նյութերը որտեղից և ինչ բարդության աստիճանի պիտի լինի կախված իր աշակերտների ունակություններից և կարողություններից: Խմբակավարը պետք է ջանք գործադրի այդ ծրագրում հավելյալ աշխատելու, թեմատիկ պլանավորումը ինքը պետք է կազմի շեղվելով հանրակրթական չափորոշչային պահանջներից:

Հ- Կա այսպիսի միտք. «Միայն ծույլը չի ոտնահարում ուսումնական պրոցեսը ոչ արդյունավետ կազմակերպելու համար»։ Ի՞նչ կարծիք ունեք դպրոցում դասավանդող առարկայական ծրագրերի վերաբերյալ, հաշվի առնելով այսօրվա մեր վիճակը պետք են արդյոք փոփոխություններ:

Պ- Երբ ինձ հարցնում են փոփոխությունների մասին, ես չեմ կարողանում միանգամից պատասխանել պետք են փոփոխություններ, թե ոչ, որովհետև «այդ» ասելու դեպքում պետք է հիմնավոր որոշել, թե ինչ փոփոխություններ են պետք կրթության ոլորտում: Երբ շատ ականջադատ հայտարարություններ են աճում, իրականում դա հանգեցնում է որակի նվազեցմանը, և այդ հարցին պատասխանելու համար երկար ժամանակ է պետք: Պետք են փաստեր, նախ պետք է հասկանանք ինչ խնդիր-

ներ ունենք, և ինչը պետք է փոխել: Կրթության համակարգը կարծրացած համակարգ չէ, այն աճելու, զարգանալու ճկուն ոլորտ է և, բնականաբար, երբ փոխվում են կյանքը, շրջապատը, տնտեսությունը, փոխվում է հասարակությունը և առաջանում են նոր մարտահրավերներ, կրթությունը այն գործիքն է, որը սովորեցնում է այդ մարտահրավերներին դիմակայել և այդ միջավայրում ապրել: Համակցության միջավայրում ապրելը կրթությունը դարձնում է փոփոխմանը ենթակա ոլորտ: Կա կարծրացած կարծիք, որ չի կարելի անընդհատ փոփոխություններ կատարել կրթության համակարգում: Ո՛չ, այս համակարգում անընդհատ պետք է փոփոխություններ կատարել, բայց փոփոխությունները պետք է հիմնված լինեն փաստերի վրա «ինչի՞ համար», «ի՞նչ նպատակով», որպեսզի կարողանաս գնահատել կամ բացատրել, որ այդ կատարված փոփոխությունը ծառայեց իր նպատակին, օգնեց հասարակությանը, աշակերտին: Պետք է ուսումնասիրել, թե ինչ խնդիրներ կան կրթության համակարգում, քննարկել, ուսումնասիրել, վերլուծել փորձը ամբողջ աշխարհի կրթական համակարգի հետ, հասկանալ, թե ինչ ուղղություններ կան. օրինակ բուհական կրթությունում մեր ակադեմիական մասը շատ-շատ է, իսկ պրակտիկ գիտելիքը շատ քիչ է, տնտեսության մեջ ուղղված գիտելիքը շատ քիչ է, իսկ մասնագիտական կրթությունը իմ կարծիքով պետք է ուղղված լինի տնտեսությանը ամբողջապես, ես չեմ ասում, որ չպետք է լինեն հետազոտական մաս, նորարարական հատված, բայց դա պետք է լինի մասնագիտական կրթության շարունակական առանձին մի մաս գիտահետազոտական հատվածում:

Օրինակ նոր ուսումնական տարում գնահատման համակարգի փոփոխությունը շատ անհրաժեշտ է. գնահատումը իր բնույթով պետք է լինի ուսուցանող մեթոդ:

Պետք է փոխել այն զաղափարը, թե ի՞նչը չգիտի, այլ ի՞նչ է սովորել:

Պետք է գնահատել ոչ թե չարածի, այլ արածի համար: Օրինակ ֆինանսական մի շարք դպրոցներում ուսուցիչը ստուգում է աշակերտին կանաչ գույնի գրիչով և ներկում է ոչ թե սխալները, այլ ճիշտ պատասխանները: Հետևաբար, այս մեթոդը ավելի է շահագրգռում աշակերտին հաջորդ անգամ կանաչ գույնի ավելացմանը:

Հ- Դպրոցներում առկա խնդիրները արդյոք միայն ֆինանսական են, թե կան ուրիշ խնդիրներ:

Պ- Ֆինանսականը անհրաժեշտ, բայց ոչ բավարար պայման է կրթությունը կազմակերպելու համար, այսինքն՝ միայն ֆինանսական չէ, որ խոչընդոտում է ուսումնական գործընթացի ավելի արդյունավետ կազմակերպմանը: Իհարկե, շատ մեծ նշանակություն ունի հիմնական մոտիվացիոն միջոցը՝ ֆինանսական աշխատավարձի չափը, բայց կան վերլուծություններ, որոնք ցույց են տալիս, որ շատ բարձր աշխատավարձի դեպքում մոտիվացիան սկսում է ընկնել, կրթության արդյունավետությունը սկսում է ընկնել, դա միակ կոմպոնենտ համարել չի կարելի: Միայն և ամեն ինչ պայմանավորել միայն ֆինանսով, որովհետև, կրթության ոլորտի կազմակերպում/կամ ընդհանրապես ցանկացած ոլորտի/ ունի շատ ռեսուրսներ, և դրանցից յուրաքանչյուրը հավասարապես կարևոր է: Օրինակ կարող ես ունենալ մեծ ֆինանսական ռեսուրս, բայց մարդկային ռեսուրսներ չգտնեք, ով կկարողանա կազմակերպել այդ գործառնությունը / օրինակ լավ մասնագիտացված ուսուցիչ / կամ չունի ժամանակի կառավարման կամ ընդհանրապես կազմակերպչական հմտություններ: Մարդկային ռեսուրսը կառավարելու համար ֆինանսը կարևոր է, բայց ոչ միակը, չնայած անհրաժեշտ են ֆինանսական միջոցներ, որ կարողանան կառավարել այդ ռեսուրսները, եթե չկա ֆինանս խնդիրը բարդ է, բայց նաև կարևոր է ֆինանսական ռեսուրսի հմուտ կառավարումը:

Ցանկացած խնդիր ունի իր դրական և բացասական կողմերը: Դպրոցավարության համակարգում առկա են փաստաթղթային շրջանառություններ, որոնք կարող են ունենալ արդյունավետ և ոչ արդյունավետ կողմեր, որը կարող է նպաստել այդ կառույցի օբյեկտիվ և սյուբեկտիվ կողմերի զարգացմանը: Այս հարցում մենք փորձում ենք օգնել տնօրեններին և ուսուցիչներին տիրապետելու գործիքների, որոնք իրենց աշխատանքը կարողանան ավելի արդյունավետ: Գիտելիքին և գործիքին չտիրապետելը խոչընդոտ է հանդիսանում ճիշտ կազմակերպելու ցանկացած գործառնություն, բայց մեր ամենօրյա ռեժիմով օգնությունը համակարգը դարձնում է թափանցիկ, այն օգնում է, որ սխալներ չլինեն, մենք չենք պատժում, այլ օգնում ենք:

Հ- Պետության կողմից մշակվում են, թե արդեն կան 10-20 տարվա հեռանկարային ծրագրեր:

Պ-Կրթության կազմակերպման հիմքը պետական կրթության զարգացման ազգային ծրագիրն է, որը 2016թ.-ից մշակվում է, բայց դեռ չի հաստատվել, այն կրթական ռազմավարական ծրագիր է ապագա 10 տարիներ համար, որից հետագայում բխելու են այլ ծրագրեր և նախադպրոցական կրթության ոլորտում, հանրակրթությունում, և մասնագիտական կրթության ոլորտում: Հիմա մշակվում է այդ ծրագիրը, այնտեղ դրված են հիմնական նպատակային խնդիրներ, որոնց զարգացման ուղղությունները տարբեր ոլորտներում են, և տվյալ ոլորտներում էլ կզարգանան այդ ծրագրերը:

/շարունակությունը էջ 3-ում/

ՀՀ ԱՒՆ ԳԵՂԱՐՔՈՒՆԻՔԻ ՄԱՐԶԱՅԻՆ ՓՐԿԱՐԱՐԱԿԱՆ ՎԱՐՉՈՒԹՅԱՆ ՊԵՏԻ ՏԵՂԱԿԱԼ ԳԱՐԵԳԻՆ ՀԱԿՈՒՅԱՆԻ ԶԵԿՈՒՅՅՈՒՆ

«1+1» մարզային դպրոցական թերթը հրավիրված էր ԱՒՆ և ՔՊ ոլորտում ՀՀ Գեղարքունիքի մարզում 2020 թվականի ընթացքում իրականացված աշխատանքների գեկույցին:

Մենք տեղեկացանք, թե ինչ աշխատանքներ են կատարվել գեղատեսչության աշխատակիցների կողմից:

-Արտակարգ իրավիճակների արձագանքում, մարզային փրկարարական վարչության ճգնաժամային կառավարման կենտրոնում ստացվել է 725 ահազանգ:

-Օպերատիվ-տակտիկական և ընդհանուր պատրաստություն:

Մարզի 6 համայնքներում /Սևան, Ծովակ, Գամբարակ, Չկալովկա, Ծակքար և Սարուխան/ մասնակցել ենք արտակարգ իրավիճակներում բնակչության պաշտպանության թեմաներով շտաբային ուսումնական ժողովներին:

Կանխարգելիչ միջոցառումների իրականացում:

ՀՀ Գեղարքունիքի մարզում 2020թ.-ի ընթացքում կանխատեսվող գարնանային հեղեղումների, սելավների, սողանքների, վթարային կանուխների փլուզման և հնարավոր քարաթափումների կանխարգելման, հետևանքների նվազեցման ու վերացման միջոցառումների իրագործմանը:

Քաղաքացիական պաշտպանության համակարգի նախապատրաստման ուղղված միջոցառումներ:

ՀՀ Գեղարքունիքի մարզպետի համապատասխան որոշումով հաստատվել է ՀՀ Գեղարքունիքի մարզի քաղաքացիական պաշտպանության պլանը:

ՀՀ Գեղարքունիքի մարզի խոշորացված համայնքները լրամշակել են «Քաղաքացիական պաշտպանության» պլանները:

Փրկարարական ուժերի պատրաստականության բարձրացում:

ՄՓԿ հատուկ ջրափրկարարական և հրշեջ-փրկարարական ջոկատները անցկացրել են 2-ական հատուկ տակտիկական ուսումնական ժողովներ:

Հրշեջ-փրկարարական ջոկատների կողմից տար-



վել են աշխատանքներ տարածաշրջանի կազմակերպությունների հրդեհաշիջման քարտերի և օպերատիվ պլանների մշակման ուղղությամբ:

Կապի և ազդարարման համակարգերի կատարելագործում:

Մարզի ղեկավար կազմի և բնակչության ազդարարման համակարգի տեխնիկական վերազինման աշխատանքները ներառվել են մարզի սոցիալ-տնտեսական զարգացման 2017-2025 թվականների ծրագրում:

Ուսումնասիրություններ և ստուգումներ:

ՄՓԿ կողմից մարզի ՀՓՁ-ներում և ՀՁՁ-ում անցկացվել են 22 անակնկալ և պլանային ուսումնասիրություններ, ցուցաբերվել է մեթոդական օգնություն:

Արդյունքում բարձրացել է ծառայողական կարգապահությունը, և բարելավվել համապատասխան փաստաթղթերի մշակման որակը:

Իրավական, օրենսդրական բազայի կատարելագործում

Պլանների, ծրագրերի և հաշվետվությունների մշակում

Նյութատեխնիկական բազայի ամրապնդում

Գործունեության ընթացքում առաջացած խնդիրները և առաջարկվող լուծման ուղիները և աշխատա-

կիցների խրախուսման նպատակով:

ՀՀ ԱՒՆ ՓՕ տնօրենի տեղակալ Հովհաննես Եմիչյանը բավարար գնահատեց մարզային փրկարարական վարչության կողմից 2020 թվականի ընթացքում կատարված աշխատանքները և նշեց, որ ԱՒՆ-ը պետք է աշխատի կոմպլեքս հարցերում իշխանության հետ: մասնավորապես շինարարության ընթացքում շենքերը պետք է ունենան սեյսմիկ կայունություն, յուրաքանչյուր բնակելի տուն քարտեզագրման /հատակագծի/ մեջ պետք է ունենա թաքստոցներ, բնակելի տանը պետք է նախատեսվի հրշեջ պահարաններ, որտեղ պետք է լինեն ռետինե խողովակներ, բահ, կացին և դույլ: Նշվեց, որ պետք է կրճատել նաև հրշեջ ջոկատի դեպքի վայր հասնելու ժամանակ: Անհրաժեշտ է համայնքներում տեղակայել հրշեջ մեքենաներ, որոնք գործելու են կամավորական հրշեջ ծառայողների կողմից, ովքեր սկզբնական ժամանակում պետք է սկսեն աշխատել դեպքի վայրում մինչև հիմնական ուժերի ժամանելը:

ՀՀ ԱՒՆ մարզային փրկարարական վարչության պետ Գևորգ Գալստյանը նշեց, որ այդ բոլոր թեզերը կյանքի կոչելու համար ունեն բոլոր պայմանները, և իր ղեկավարած կառույցը ամելու է ամեն ինչ, որպեսզի մարզի բնակիչները ապրեն բարեկեցիկ կյանքով: ՀՀ ԱՒՆ մարզային փրկարարական վարչության պետ Գևորգ Գալստյանը շնորհակալություն հայտնեց Գեղարքունիքի մարզպետ Գնել Սանոսյանին և մարզի մի շարք համայնքների ղեկավարներին համագործակցված և արդյունավետ աշխատանքի համար:

Մասնագիտական բարձր պատրաստականության և ծառայողական պարտականությունները լավագույն կատարելու համար ՀՀ Գեղարքունիքի մարզպետ Գնել Սանոսյանի 2021 թվականի հունվարի 26-ի թիվ 29-Ա որոշմամբ ՀՀ ԱՒՆ ՓՕ Գեղարքունիքի մարզային փրկարարական վարչության 22 աշխատակիցներ խրախուսվեցին ՀՀ Գեղարքունիքի մարզպետի շնորհակալագրով:

ԵՐԲ ՀԱՄԱՐԶԱԿՈՒԹՅՈՒՆԸ ՀԱՂԹՈՒՄ Ե ՑԱՎԻՑ ԱՌԱՋԱՅԱՏՎ ԱՍԻՆ



րանհին, չնայած միշտ ասում էին կվառես ձեռքը: Դուք հավատում էիք, որ կարող եք անել այն, ինչ ուզեք և որտեղ ուզեք և դառնալ այն, ինչ ուզում եք, հետո իմացաք, որ այդ բոլորը չի կարելի, այդ չի կարելիները տարիներով ձեր ուղեղը մտան: Այդ լավ բացատրվող գործողությունները նրա համար են, որ օգնեն ձեզ ամուր կանգնել ոտքերի վրա, որ շարժեն ձեր հետաքրքրությունը, բայց նրանք սովորեցրին ձեզ վախենալ այն ամենից, ինչը կարող է վախ պատճառել և վերջապես, դուք դարձրեցիք պրոպտելուց, որ չտուժեք, դուք սովորեցիք բավարարվել քչով՝ համաձայնելով, որ չեք կարող դառնալ ականավոր: ժամանակի ընթացքում վախն ու ցավը ձեզ դարձրին ձախողակ, այդ օրվանից դուք ուզում եք հետ դառնալ, կանգնել հաղթողի ճանապարհին: Վախը և ցավը երկու շատ կարևոր գործոն են, որ ազդում են մարդու վարքագծի վրա, սկզբում դուք գզում եք ցավ, հետո ձեզ պատում է վախը: Ցավը ձեզ պատճառում է վնաս, իսկ վախը թույլ չի տալիս մոռանալ դրա մասին: Ցավն ու վախը սահմանափակում են գործողությունը, գուպում են ձեր երազանքները, գրոյի են հավասարեցվում ձեր բոլոր առավելությունները և առաջխաղացումները: Նրանք կոչման են ձեր հոգին, եթե դուք թույլ տաք:

Բայց կարող է լինել այլ կերպ, որի հիմնական գործոնը ձեր գործողությունն է կամ անգործունեությունը: Հիմնական գործողությունները կենտոնացած են նրա վրա, որ ցավ չպատճառես քեզ: Ցավը տարիների ընթացքում կարող է մեղմվել, հոգու ցավը անհաջողության, դավաճանության կամ այլնի արդյունք է:

Որպեսզի ցավ չպատճառես ձեզ, դուք պատրաստ եք ամեն ինչի, դրա համար էլ ամբողջ քիչ եք սկսում մասնակցել այն գործընթացներին, որոնք կարող են ձեզ ցավ պատճառել: Արդյունքում դուք հասնում եք նրան, որ ցավից խուսափելը դառնում է ձեր անգիտակցության մեջ պահվելու ծրագիրը:

Թվում է, թե դուք բացառում եք ցավը ձեր կյանքից, դա այդպես չէ, դուք ուղղակի լավ եք թաքնվում ուրիշներից ու ձեզանից: Վախը տանում է ձեզ միջակության, ստիպում զգալ անհաջողակ և մտածել, որ դուք հաջողության համար թույլ եք: Դուք մտածում եք, որ վախը ձեզ պահպանում է: Ո՛չ, նա ձեր մեջ ոչնչացնում է մարդուն, որ կարող է գնալ ռիսկի, իսկ առանց ռիսկի չեք կարող հաղթահարել բարձունքները:

Քեզ հետ է պահում ոչ թե ուսման բացակայությունը, փողի չլինելը կամ անհաջող որոշումը, այլ վախը:

Դերելի Ռոմանը 400 մետր վազքով օլիմպիական խաղերին /1992թ. Բարսելոնա/ շանս ուներ հաղթելու: Մինչ այդ նա նվաճել էր աշխարհի և եվրոպայի չեմպիոնի տիտղոսը:

Վազքի ժամանակ կտրվեց Դերելի ոտքի մկանը, և նա ընկավ գետնին: Հայտնվելով գետնին՝ նա մտածում էր օլիմպիական խաղերում իր մարվող նպատակի մասին, երբ բոլոր վազորդները մեկը մյուսի հետևից հատում էին եզրագիծը: Բժիշկները շտապում էին Դերելի մոտ, բայց այդ ժամանակ նա արեց այն, ինչը մտավ համաշխարհային պատմության մեջ: Նա վեր կացավ, չնայած որ կտրվել էր մկանը, մի ոտքի վրա թռչկոտելով, ձեռքերը թափ տալով շարժվեց դեպի եզրագիծ, նրա մոտ շտապեց հայրը և ընկնելով թևը հարցրեց Դերելին, թե կարող է այդ անել, նա ասաց, որ պարտավոր է: 65 հազար մարդ տրիբունայում սպասում էր, թե ինչ է լինելու վերջը: Հայրը կանգնեց եզրագծից մոտ 10 մետր հեռու, իսկ Դերելը կարողացավ հատել եզրագիծը:

Դուք փորձ եք և անօգնական, բայց անվախ, դուք չգիտեք, թե ինչ կարող եք անել, և ինչն է ձեր ուժերից վեր, դրա համար էլ փորձում եք ամեն ինչ: Դուք ուսումնասիրում եք ամեն ձեր զգայական օրգանների զգացումի չափով՝ տեսնելով, լսելով, հոտառությամբ, համի միջոցով և շոշափելով: Դուք գտնում էիք, մինչև չսովորեցիք խոսել, դուք բաշում էիք սեղանի սփռոցը, որպեսզի տեսնեք վրան ինչ կա, դուք լիզում էիք ամեն ինչ, ինչ տեսնում էիք. բակտերիաները ձեզ չէին վախեցնում:

Դուք ձեռք էիք տալիս տաք վառա-

տում էին եզրագիծը: Բժիշկները շտապում էին Դերելի մոտ, բայց այդ ժամանակ նա արեց այն, ինչը մտավ համաշխարհային պատմության մեջ: Նա վեր կացավ, չնայած որ կտրվել էր մկանը, մի ոտքի վրա թռչկոտելով, ձեռքերը թափ տալով շարժվեց դեպի եզրագիծ, նրա մոտ շտապեց հայրը և ընկնելով թևը հարցրեց Դերելին, թե կարող է այդ անել, նա ասաց, որ պարտավոր է: 65 հազար մարդ տրիբունայում սպասում էր, թե ինչ է լինելու վերջը: Հայրը կանգնեց եզրագծից մոտ 10 մետր հեռու, իսկ Դերելը կարողացավ հատել եզրագիծը:

20 տարի հետո բոլորը կմոռանան, թե ով է հաղթել, բայց միլիոնավոր մարդիկ կհիշեն այն մարդուն, ով, չնայած ցավին, հատեց եզրագիծը: Դերելը պետք է դուրս գար մրցումներից, այդպես հեշտ կլիներ: Ինչու նա դա արեց: Միգուցե նա գիտեր տարիների ընթացքում այն խոսքերը, որ չի սպասվում իր նպատակին, ավելի կցավեցնեին, քան այն կարճ ժամանակահատվածի ցավը, որ ինքը հատեց եզրագիծը:

Կամ էլ ուղղակի որոշեց վերջ տալ այդ ցավին: Հաշվի մի առեք ցավը, թույլ մի տվեք, որ ցավն ու վախը ձեզ դարձնեն անհաջողակ, եղեք համարձակ:

Վախը ստիպում է փախչել ցավից, իսկ համարձակությունը թույլ կտա բուժվել նրանից, եղեք համարձակ, երբ որոշում եք չհանձնվել:

Մանուշակ Թովմայան

ԿՐԹՈՒԹՅՈՒՆԸ ԱՅՆ ԳՈՐԾԻՔՆ Ե, ՈՐԸ ԴԻՎԱՄԱՅՈՒՄ Ե ԿՅԱՆՔԻ ԲՈՒՈՐ ՄԱՐՏԱՀՐԱՎԵՐՆԵՐԻՆ

խկիզբը էջ 2-ում/

Հ-Պարոցում ինչպիսի՞ մարդ են ձևավորում. ինչպե՞ս կընթացանք:

Պ- Իրականում այն, ինչ գրված է, ապահովում է մեր տեսլականի սահմանը, թե ինչ տեսակի մարդ ենք ուզում, ի՞նչ ուղղությամբ ենք աշխատում, դրա իրականացումը ոչ միայն կրթական խնդիր է, այլև հասարակական, սակայն մենք ակնհաս տեսնելով լինում մի համազանցի, որը շատ ցավոտ է. շատ ընտանիքներ իրենց երեխային դպրոց ընդունելուց հետո հույսը դնում են դպրոցի վրա, թե դպրոցը պարտավոր է, և այլևս նրան ոչինչ չի հետաքրքրում: Դպրոցը ունի պարտավորություններ, բայց ընտանիքը, հասարակությունը և պարտավոր են դա իրականացնել, և մենք պետք է փոխենք մեր վերաբերմունքը ընդհանուր կրթության և դպրոցի համոզեալ: Ցավոք սրտի շատ հեպտերում ոչ թե կրթությունն է կարևոր, թե ինչ է սովորել երեխան, այլ փաստաուղղը, որը տալու է երեխային կրթության արդյունքում, այսինքն՝ կարևոր է, որ ատեստատն «9- ով լինի», և ոչ այդքան

իրական է, թե երեխան ունի այդ գիտելիքը, թե ոչ: Այստեղ մենք շատ անելիքներ ունենք, և այդ մշակույթն ու գաղափարախոսությունը պետք է արմատավորվի հասարակության մեջ՝ հասկանալու, որ գիտելիքը կարևոր է, որ երեխան դպրոցում պետք է ստանա այդ գիտելիքը, որպեսզի կարողանա հետագայում բարեկեցիկ և լավ ապրել: զոնե առնվազն չլմանա իր շրջապատին, դրա համար կան շատ օբյեկտիվ և սուբյեկտիվ պատճառներ: Պատմականորեն ձևավորված, նամանավանդ անցումային փուլ անցած երկրներում, որտեղ մի համակարգը փլուզվում է, և դու դեռ չգիտես, թե նորը ինչպիսին է և ինչ արժեքային համակարգ է ձևավորում, հետևաբար առաջանում են նման խնդիրներ, բայց հույս ունեն, որ մենք կամաց-կամաց կկարողանանք հաղթահարել այդ մարտահրավերները և հետագայում հպարտորեն ասել, որ մենք մեր դպրոցի շրջանավարտները բավարարում են մեր տեսլականին, ու կարողացել ենք հասնել մեր նպատակին, որտեղ մեծ ներդրում կունենա դպրոցը: Իմ կարծիքով բուռնում ուսանողը ձևավորված

մարդ է, փորձել նրան դաստիարակել կամ վերադաստիարակել իմաստ չունի, քանի որ այդտեղ նա պետք է դառնա մասնագետ, որպեսզի դուրս գա շուկա և սկսի աշխատել և ստեղծել բարիք: Դպրոցում շատ կարևոր է ուսուցման հետ մեկտեղ ներդնել դաստիարակական ծրագրեր և համատեղել կրթության հետ, շատ կարևոր է աշակերտների սոցիալիզացիան, որ ինքը իրեն հասարակության անդամ զգա, կրի պատասխանատվություն և պաշտպանի իր իրավունքները: Ինչպես հասարակությունն է աճում, փոխվում, այնպես էլ կրթությունը: «Կրթությունն անենազոր զենքն է, որը դու կարող ես օգտագործել աշխարհը փոխելու համար»:

ՆԵՒՄՆ ՄԱՆԴԵԼՆԱ

1+1 թերթի խմբագրությունը շնորհակալություն է հայտնում պարոն Արտակ Պողոսյանին՝ հետաքրքիր և բազմաթվաճանաչ հարցազրույցի համար:



ԱՊՐԵԼ ԶԱՐՄԱՆՔՈՎ ԹԵ՛ ՄՏԱԾԵԼԱԿԵՐՊՈՎ

Բարև, հարգելի ընթերցողներ: Այսօր կուզենայի, որ մենք խոսենք պետականության մասին: Այսօր վիճակագրական տվյալներով աշխարհում կան 2000-ից 4000 ազգություններ, բայց գոյություն ունի ընդամենը 193 պետություն: Այսինքն՝ բոլոր ազգերը չէ, որ ունեն պետականություն: Մենք հայերս, պետք է հասկանանք, որ մեր պետականությունը մեզ տրվել է հազարամյակների մեր վարած մտավոր և գիմված համագործակցության, առաջնորդության փորձի դրական և բացասական գործընթացների հիման վրա: Մենք պետք է հասկանանք, որ պետականություն ունենալը բարձրագույն արժեք է, որին կարող է արժանանալ յուրաքանչյուր ժողովուրդ, բայց, ցավոք, գոյություն ունեն շատ այլ համայնքներ՝ աշխարհաքաղաքական, ֆինանսական, դիվանագիտական և այլն, որոնք ազդում են այնպիսի փոքր պետությունների վրա, ինչպիսին մենք ենք:

Երբ լսում եմ կոչեր կամ համացանցային լուրեր, որ մեր պետությունը պետք է դառնա ինչ-որ պետության բաղկացուցիչ մաս, զարմանք եմ ապրում այդ մարդկանց մտածելակերպի վրա. ինչքան ենք կյանքից հետ մնացել և ոչ մի դաս չենք քաղել պատմությունից: Մի քանի օր առաջ մենք հա-

սակակիցներով խոսում էինք այն մասին, թե որն էր պատճառը, որ Խորհրդային Միության փլուզումից հետո մենք քանդեցինք մեր արդյունաբերությունը և դարձանք «լուխի և վարունգի» երկիր: Տղաներից մեկը բերեց մի օրինակ. «Դուք կարող էք վերցնել լինզը և քլունզը ու քանդել ձեր պապական տունը կամ մեր կառուցած տունը»: Բոլորով զայրացանք, թե ինչպես մարդը կարող է քանդել իր տունը, և եկանք այն եզրակացության, որ այն, ինչ հայ ժողովուրդը ստեղծել էր Խորհրդային 70 տարիների ընթացքում, մեզ մատուցվել է այն գաղափարով, որ մենք չենք համարել մերը, մենք գաղափարապես պատրաստ չենք եղել այն բանին, որ մերն է, մենք ծառայել ենք ամբողջությամբ կայսրությանը և հաճույքով անգիտակցաբար քանդել ենք այսօրվա մեր պետականության հիմքը:

Հարգելի աշակերտներ, չկա մի արժեք, որը համարժեք լինի պետականությանը, պետականությունը գերագույն արժեք է, և դրա հզորացումները դուք եք: Իսկ որպեսզի մենք չտրվենք սև ու թերի գաղափարախոսությանը, պետք է սովորել ու նորից սովորել և միշտ համեմատել՝ քեզ քեզանից առաջադեմի հետ, որպեսզի զգաս քո բացերը:

ԻՄ ՄԱՆԿՈՒԹՅԱՆ ԳՈՒՅՆԵՐԸ



Կան հիշողություններ, որոնցից մանդարինի հոտ է գալիս, դրանք մեծ մասամբ դեղին են ու նարնջագույն... Այսօր դասամիջոցին ուսուցչուհիս պատմում էր իր մանկության մանդարինների մասին և այնպես էր ներկա-

յացնում «մանդարիններով սկիզբ դրվող նոր տարին», որ կարծես մութ ու ցուրտ օրերը մանդարինագույն, նարնջագույն էին դառնում ու լուսավորվում: Նա պատմում էր ծնեռ պապիկի պարզատրոհ ճյուղի մասին կամ, մեր լեզվով ասված, «կուլուկի» մասին դա ժամանակների լավագույն ճյուղերն էր ու ամեն երեխայի դեմքին ժպիտ նկարող, դեղնագույն տոպրակը:

Եթե տոպրակի մեջ մեկ մանդարին կար, դա լավ էր: Եթե կային երկու մանդարիններ, դա արդեն հիանալի էր: Իսկ եթե երեքը կար... Դա անասելի ուրախություն էր, կարծես աշխարհն իրենն էր: Այդ մի ժամանակ երեխաների աշխարհը մանդարինների սպիտակ թելերի մեջ էր շաղկապվում, ու երջանկության համը հենց դրա մեջ էր: Հիշո՞ւմ եմ ինչ համ ուներ նոր տարվա մանդարինը, որը բոլորովին էլ հասարակ ցիտրուսային միրգ չէր, այլ ապրեցնող, թթու կամ քաղցր հիշողությունների համ, որ քիմիկոսները հավելիս կյանք էր տալիս: Երբ մաքրում էիր առաջին մանդարինը, աչքերիդ մեջ զգում էիր դրա կեղևի ծակտիներից դուրս ցայտող հյուսվածակը: **Լուսինն Առաքելյան**

ՄԵՆՔ ՄԻԱՄԻՆ ԵՆՔ, ԵՎ ՄԵՐ ԱՆՈՒՆ Է ՀԱՅԿԱԿԱՆ ԲԱՆԱԿ

Փա՛ռք հայոց բանակին, փա՛ռք նրա զինվորին, փա՛ռք զինվոր ծնած մայրերին: Թող որ միայն կապույտ երկինքը լինի բոլորիս աղոթքների պահապանը: Հունվարի 29-ին ՀՀ Գեղարքունիքի մարզի Կարմիրգյուղի N2 միջնակարգ դպրոցի պատմության ուսուցչուհի Ռ. Սուչյանը կազմակերպել էր միջոցառում՝ նվիրված հայոց բանակի կազմավորման 29-րդ տարեդարձին: Միջոցառումը աշակերտները սկսեցին հետևյալ խոսքերով. «Մեր հայոց աշխարհի օդային ու ցամաքային պաշտպանի, մեր փառապանծ բանակի ու զինվորի շնորհիվ մենք այսօր կարողացանք կրկին իրար ասել. Բարի՛ լույս»: Բայց բարի լույս ասելուց հետո երբեք ու երբեք չմոռանանք շնորհակալություն հայտնել Տիրոջը և խնդրենք, որ պաշտպան լինի երկիր պահող մեր զինվորին, մեր բանակին: Ընդհանրված մեր Տերուհական աղոթքի մեր զինվորը թշ-



Նամու առաջ թող երբեք ծնկի չգա, իսկ եթե նա ծնկի գա, ապա միայն Աստծո

առաջ, որովհետև Աստծո առաջ ծնկի եկած զինվորը ավելի զորեղ է, քան ուղի վրա կանգնած թշնամին: Պատերազմը սովորեցնում է զննհատել և արժևորել այն, ինչ ունես: Թանկը դու ես, զինվոր, որ այդքան անձնավեր ես և պատրաստ ես անգամ կյանքդ չխնայել: Բայց մեզ ամենից առաջ քո կյանքն է պետք...»

Դպրոցի միջին և ավագ դասարանների աշակերտները հանդես եկան հայրենիքի, հայկական բանակին ու հայ զինվորին նվիրված երգերով ու բանաստեղծություններով: Ամփոփման խոսքում ներկաները նշեցին. «Միայն պատերազմի ժամանակ ես գիտաբար ու արժևորում խաղաղության իրական գինը: Իսկ մեր խաղաղության իրական երաշխավորը հայոց բանակն է ու հայ զինվորը: Հայ զինվոր, տո՛ւնդ շնորհավոր: Մեր թև ու թիկունքը դու ես, մեր հերոս զին-

վոր, մեր խիզախ զինվոր: Տղե՛րք, շնորհակալ ենք ձեզ: Դուք վառ օրինակ եք, որ հերոսներ ծնվում են հայ մորից: Հայոց բանակը, մեկ է, անպարտելի է: Անենականորոպ մեր հողին, հայոց բանակի հողին գերի չէ: Ձինվորի մայր, դու հերոս ես ծնել: Հայոց բանակը, մեկ է, ունի տուն և ունի տուն: Հայի ոգին անպարտ է: Եռաբլուրը եռում է երիտասարդ արյունից, բայց օրը գալու է: Արցախի հզոր երակներում նորից գարկելու է հայի արյունը: Հայոց բանակի սիրտը կարող է մի պահ կանգ առնել, բայց հետո ավելի ուժեղ գարկել: Դազանչեցոց վանքի զանգերով: Մենք նոր Կարդաններ, Նժդեհներ, Անդրանիկներ, Մոմբեներ, Վազգեններ ենք ունենալու: Փա՛ռք ու պատիվ մեր Հայոց հպարտ բանակին: «Ապրիլի հավերժ, հայոց բանակ, և թող ցավը միայն ուժ տա քեզ պայքարելու և կրկին վեր հանելու»:

ՀՀ Գեղարքունիքի մարզի Կարմիրգյուղի N2 միջնակարգ դպրոցի «Հասարակագիտության» ուսուցչուհի Ա.Դամիսյանի նախաձեռնությամբ XII դասարանի աշակերտուհիներ Էմիլյա Շահբաջյան և Անի Նավոյանը կազմակերպեցին «Կյանքը պատերազմից առաջ և հետո» խորագրով սեմինար-քննարկում: Հենց այն պահին, երբ պայքարում էինք Covid-19-ի դեմ՝ քննարկելով, թե ինչպես կարող էր 21-րդ դարում վարակյա այնքան մասսայական ու անկառավարելի լինել, որքան 19-րդ դարում, պատերազմ սկսվեց

Արցախում: Միշտ կա ամենաբարդ պահը. ինչպես շարունակել ապրել պատերազմից հետո... Մեծիմարի ընթացքում աշակերտները անդրադարձան մեր անմահ հերոսներին, ներկայացրին տեսանյութեր, որտեղ երևում էր մարդկանց հոգեկան հեղաշրջումը պատերազմից առաջ և հետո: Մեծիմար-քննարկմանը, որն անցավ պարզ, անմիջական, առողջ և ակտիվ մթնոլորտում, ներկա էին ուսուցիչները, աշակերտները, ինչպես նաև 2020թ. շրջանավարտները:

2021 թվականի հունվարի 25-ին ՀՀ Գեղարքունիքի մարզի Կարմիրգյուղի N2 միջնակարգ դպրոցի X^ա դասարանի աշակերտների և դաստիարակչական աշխատանքների կազմակերպիչ Ս.Ունրշատյանի նախաձեռնությամբ անցկացվեց հուշ-ցերեկույթ նվիրված ավանավոր բանաստեղծ, մշակութային գործիչ, գրականագետ և թարգմանիչ Պարույր Սևակի 97-ամյակին: Աշակերտները ներկայացրին հատվածներ բանաստեղծի կենսագրականից, ասուներեցին տարբեր ժողովածուներից ընտրված բանաստեղծություններ: Սևակյան տողերով մեկ անգամ ևս հիշեցին մեր ժողովուրդի հերոսներին: Վերջում Ս.Ունրշատյանը մեղբերեց Սերո


խանգաղյանի խոսքերը. «Մեծերը չեն մահանում: Մեծերը ծուլվում են մարդկանց հոգիներին, սնունդ մարդկանց սրտերը՝ սերմիցներումնդ, հարատևելու անխախտությամբ... Անչափելի խոր և երկնամերձ բարձր սքանչելիքներ տվեց մեզ Պարույր Սևակը... Նրա մեծությունը՝ զմահատող ժամանակներն են: Ժողովրդի անբիծ սերը այն հուշարձանն է, որ ստեղծել է ինքը՝ մեծ բանաստեղծը: Այդ սերը մաքուր ու հավերժական է: Գնալով այն կթանդանահան և կծավալվի գարնան գարթոնքի մամա՛՛ հիացմունք և ուրախություն բերելով ժամանակի ու տարածության հեռուներում իրար հաջորդող սերունդներին...»

ԻՆՉՊԵՍ ՀԱՅՅ ՀԱՅ ՍՏԵՂԾԵԼ

«Տերը նղեզ, դարմանը կես, Առ հաց ու կես, Ելիր գեղեցիկ Տերը նղեզ, միսի դին տես Մե փուք ցանես, հազար քաղես: Տերը նղեզ, փեշդ վառե, Ող ազատվես օձէ չարե: Տերը նղեզ, միսի դին տես Մե փուք ցանես, հազար քաղես»:

Հայի դաստիարակչության և ազգապահպանման մեջ մեծ դերակատարում ունի ազգային արժեքների և ավանդույթների պահպանումը: Հայեցի հայ լինելը մշակում է հոգու մեջ և կյանքում կրողը լինելը քո պապերից ժառանգած լեզուն, հավատը, ազգային ու հոգևոր արժեքները, նիստուկացը, բառուբանը, երգը, պարը: Ինչքան խորը լինեն դաստիարակչության սերմերը, այնքան հաստ կլինեն արմատները, և առատ ստացված բերքը: Մի աս էր այն առաջնորդող գաղափարը, որով «Հայ եկեղեցու պատմություն» առարկայի դասը վերածեցին դաս-միջոցառման նվիրված «Տյառնը նղառաջի» եկեղեցական տոնին: «Տյառնը նղառաջը» կամ «մանուկ Հիսուսի ըն-

ծայունը տաճարին» Հայոց եկեղեցու տոներից է: Հայոց եկեղեցին Տյառնը նղառաջը տոնում է փետրվարի 14-ին՝ Քրիստոսի աստվածահայտնությունից (հունվարի 6) քառասուն օր հետո: Տյառնը նղառաջը, տարածված է նաև Տերը նղեզ, Տրը նղեզ, Տրը նղես, որոնք ծագել են «Տերն ընդ ձեզ» անվանումից: Ելնելով Տիրոջը ընդառաջ դպրոցի բակում վառեցին ծիսական մեծ խարույկ, որը կրակի ջերմությամբ իր շուրջ համախմբեց ողջ դպրոցին՝ աշակերտներին և ուսուցիչներին: Երգ, պար, որդան կարմիրով ներկված հայկական ավանդական տարագ, տոնական աղանդեր, հյուրանուր սեղան և այս բոլորի արդյունքում ջերմ ու հաճելի մթնոլորտ Գեղարքունիքի միջնակարգ դպրոցում: Պահպանելով հայկականը և ավանդելով այն սերմիցներումնդ՝ հանձն ենք առնում համադարձական նմանատիպ միջոցառումները՝ համայնակի դարձնել, այս կերպ միասնություն, համախմբվածություն, ազգապահպանում և հայեցիություն սերմանել ամեն հայ մանկան սրտում:



Աննա Վարդյան
Նմբագիր և համարի պատասխանատու՝ Ռոզա Հակոբյան
Տպարանակը՝ 2000
Հեռախոս՝ 093919658:
Էլ. փոստ՝ roza.hakobyan.1975@mail.ru
Կայք էջ՝ 1և1.հայ , 1ս1.am

4 «ՀՀ Գեղարքունիքի մարզի Կարմիրգյուղի N2 միջնակարգ դպրոց» ՊՈԱԿ
Հասցե՝ Գարեգին Նժդեհի փ. 1
Փոստային դասիչ՝ 1207
Թողարկման օրը՝ 27. 02. 2021 թ.